

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

Prijava koncentracije privrednog subjekta „SKUTER“ d.o.o. Sarajevo, i privrednog subjekta "DRVOPROMET" d.o.o. Sarajevo

Sarajevo
septembar, 2013. godine



Broj: 06-26-1-017-9-II/13
Sarajevo, 25. septembra 2013. godine

Na osnovu člana 25. stav (1) tačke), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, zastupanog po direktorici Saneli Sulja, Radnička 25, 71000 Sarajevo, dana 31. jula 2013. godine pod brojem: 06-26-1-017-II/13, Konkurencijsko vijeće Bosne i Hercegovine, na 67. (šezdesetsedmoj) sjednici održanoj dana 25. septembra 2013. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanja usluga upravljanja i izdavanja nekretnina u Federaciji Bosne i Hercegovine, koja će nastati sticanjem kontrole privrednog subjekta „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo nad privrednim subjektom "DRVOPROMET" d.o.o. Sarajevo, Blažuj bb, Sarajevo, kupovinom (..)**¹% vlasničkih udjela.
2. Radi nepodnošenja Prijave koncentracije u utvrđenom roku, u smislu člana 16. stav (1) Zakona o konkurenciji, izriče se privrednom subjektu „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, novčana kazna u iznosu od 19.000,00 (devetnaesthiljada) KM, koju je dužan platiti u roku od 8 (osam) dana od dana prijema ovog Rješenja.

U slučaju da se izrečena novčana kazna ne uplati u navedenom roku iste će biti naplaćena prinudnim putem uz obračun zatezne kamate za vrijeme prekoračenja roka, prema važećim propisima Bosne i Hercegovine.
3. Ovo Rješenje o koncentraciji se upisuje u Registar koncentracija.
4. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem: 06-26-1-017-II/13 dana 31. jula 2013. godine, Prijavu koncentracije (u daljem tekstu: Prijava) privrednog subjekta „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo (u daljem tekstu: „SKUTER“ ili Podnosilac prijave) zastupanog po direktorici Saneli Sulja, Radnička 25, 71000 Sarajevo, i privrednog subjekta „DRVOPROMET“ Društvo s ograničenom odgovornošću za

¹ (..)**- Podaci predstavljaju poslovnu tajnu u smislu člana 38. Zakona o konkurenciji

promet, uvoz, izvoz, prijevoz u drumskom saobraćaju Sarajevo, Blažuj b.b., 71000 Sarajevo (u daljem tekstu: „DRVOPROMET”).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji („Službeni glasnik BiH“, br. 48/05, 76/07 i 80/09) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 30/10), te je zatražilo dopunu iste, u skladu sa članom 31. Zakona o konkurenciji, aktom broj: 06-26-1-017-1-II/13 od dana 1. avgusta 2013. godine.

Podnosilac prijave je zatražio, u smislu člana 31. stav (2) Zakona o konkurenciji, produženje roka za dostavljanje tražene dokumentacije, podneskom broj: 06-26-1-017-2-II/13 dana 8. avgusta 2013. godine, a Konkurencijsko vijeće je odobrilo produženje roka, u smislu člana 31. stav (2) istog Zakona, aktom broj: 06-26-1-017-3-II/13 dana 8. avgusta 2013. godine.

Podnosilac prijave u ostavljenom roku je dostavio traženu dokumentaciju podneskom broj: 06-26-1-017-6-II/13 dana 15. avgusta 2013. godine.

Nakon kompletiranja Prijave Konkurencijsko vijeće, u skladu sa članom 30. stav (3) Zakona o konkurenciji, je izdalo Potvrdu o prijemu kompletne i uredne Prijave, aktom broj: 06-26-1-017-7-II/13 dana 25. septembra 2013. godine.

Podnosilac prijave je naveo, u skladu sa članom 30. stav (2) Zakona o konkurenciji, da nema namjeru podnijeti zahtjev za ocjenu koncentracije izvan teritorija Bosne i Hercegovine.

Konkurencijsko vijeće, u skladu sa članom 16. stav (4) Zakona o konkurenciji, je izdalo Obavještenje o dostavljenoj Prijavi, akt broj: 06-26-1-017-4-II/13 dana 12. avgusta 2013. godine (objavljeno dana 13. avgusta 2013. godine u dnevnim novinama Bosne i Hercegovine), i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetno Obavještenje nisu dostavljeni komentari zainteresovanih strana.

Konkurencijsko vijeće u postupku ocjene dopuštenosti predmetne koncentracije je utvrdilo slijedeće činjenice:

Predmetna Prijava nije podnesena u roku od 15 dana nakon zaključivanja ugovora učesnika koncentracije, u skladu sa članom 16. stav (1) Zakona o konkurenciji, budući da je pravni osnov ove koncentracije „Ugovor o pristupanju novog člana društva privrednom subjektu „DRVOPROMET“ i povećanju osnovnog kapitala”, zaključen dana 28. juna 2013. godine u Sarajevu, a da je Prijava podnesena dana 31. jula 2013. godine.

1. Učesnici predmetne koncentracije

Učesnici koncentracije su privredni subjekt „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, i privredni subjekt „DRVOPROMET“ Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj bb, 71000 Sarajevo.

1.1. Privredni subjekt „SKUTER“

Privredni subjekt „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, upisan je u registar Općinskog suda u Sarajevu

pod brojem: 65-01-0362-12 (JIB: 4200844300003), sa upisanim osnovnim kapitalom od (..)**KM, i sa (..)**% vlasničkih udjela fizičkog lica Sanele Sulja ((..)**).

Pretežne registrovane djelatnosti privrednog subjekta „SKUTER“ su proizvodnja hrane, prehrambenih proizvoda, trgovina na veliko i malo robama široke potrošnje, hranom i pićima, duhanom i drugim proizvodima u specijalizovanim prodavnicama, trgovina raznom opremom, tekstilom, obućom, odjećom i slično.

1.2. Privredni subjekt „DRVOPROMET“

Privredni subjekt „DRVOPROMET“ Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj bb, 71000 Sarajevo, upisan je u registar Općinskog suda u Sarajevu pod brojem: 65-01-0033-11 (JIB: 4200480690005), sa upisanim osnovnim kapitalom od (..)**KM, i sa (..)**vlasničkih udjela fizičkog lica Jakupa Mešovića ((..)**, 71000 Sarajevo, lična karta broj: (..)**).

Pretežne registrovane djelatnosti privrednog subjekta „DRVOPROMET“ su upravljanje i izdavanje nekretnina.

Privredni subjekt „DRVOPROMET“ ima slijedeće podružnice /poslovne jedinice:

- Poslovna jedinica Zenica, Aske Borića 1, 72000 Zenica
- Poslovna jedinica Fojnica, Šetalište bb, 71270 Fojnica
- Poslovna jedinica Kakanj, Mehmeda Skopljaka bb, 72240 Kakanj
- Poslovna jedinica Visoko, Sarajevska bb, 71300 Visoko
- Poslovna jedinica Bihać, Grabeška bb, 77000 Bihać
- Poslovna jedinica Maglaj, Sulejmana Omerovića cara bb, 74250 Maglaj
- Poslovna jedinica Mostar, Fejića 58, 88000 Mostar
- Poslovna jedinica Cazin, Gnjilavac bb, 77220 Cazin
- Poslovna jedinica Bosanska Krupa, Slavne brdske brigade bb, 77240 Bosanska Krupa
- Poslovna jedinica Sanski Most, Bulevar Sedmog Korpusa bb, 79260 Sanski Most
- Poslovna jedinica Velika Kladuša, Vrnogračka bb, 77230 Velika Kladuša
- Poslovna jedinica Bužim, 505 Viteške brigade bb, 77245 Bužim
- Poslovna jedinica Ključ, Branilaca BiH bb, 79280 Ključ
- Poslovna jedinica Žepče, Sarajevska bb, 72230 Žepče

1.2.1. Povezana društva privrednog subjekta „DRVOPROMET“

Privredni subjekt „DRVOPROMET“ ima povezana društva u Bosni i Hercegovini:

- privredni subjekt „DOLCHE“ Društvo za proizvodnju, unutrašnju i vanjsku trgovinu i usluge d.o.o. Sarajevo, Halilovići 4, 71000 Sarajevo (u daljem tekstu: „DOLCHE“ Sarajevo);
- privredni subjekt „INTER HAK“ društvo sa ograničenom odgovornošću za unutrašnju i vanjsku trgovinu Sarajevo, Maršala Tita 4, 71000 Sarajevo (u daljem tekstu: „INTER HAK“ Sarajevo);
- privredni subjekt Društvo sa ograničenom odgovornošću „DP ILMA“ Bihać, Grabeška bb, 77000 Bihać (u daljem tekstu: „DP ILMA“ Bihać).

1.2.1.1. Privredni subjekt „DOLCHE” Sarajevo

Privredni subjekt „DOLCHE” Društvo za proizvodnju, unutrašnju i vanjsku trgovinu i usluge d.o.o. Sarajevo”, Halilovići 4, 71000 Sarajevo, upisan je u registru Općinskog suda u Sarajevu pod matičnim brojem: 1-24924 (JIB: 4201113480009), sa upisanim osnovnim kapitalom od (..) **KM, i sa (..) ** vlasničkih udjela privrednog subjekta „DRVOPROMET”.

Pretežne registrovane djelatnosti privrednog subjekta „DOLCHE” Sarajevo su iznajmljivanje i upravljanje nekretninama.

1.2.1.2. Privredni subjekt „INTER HAK” Sarajevo

Privredni subjekt „INTER HAK” društvo sa ograničenom odgovornošću za unutrašnju i vanjsku trgovinu Sarajevo, Maršala Tita 4, 71000 Sarajevo, upisan je u registar Općinskog suda u Sarajevu po matičnim brojem: 1-13048 (JIB: 4200550140008), sa upisanim osnovnim kapitalom od (..) **KM, i sa (..) **% vlasničkih udjela privrednog subjekta „DRVOPROMET”.

Pretežne registrovane djelatnosti privrednog subjekta „INTER HAK” Sarajevo su prijevoz roba u drumskom prometu.

1.2.1.3. Privredni subjekt „DP ILMA” Bihać

Privredni subjekt Društvo s ograničenom odgovornošću „DP ILMA” Bihać, Grabeška bb, 77000 Bihać, upisan je u registar Općinskog suda u Bihaću, pod matičnim brojem: 17-01-0084-10 (JIB: 4263580780003), sa upisanim osnovnim kapitalom od (..) **KM, i sa (..) **% vlasničkih udjela privrednog subjekta „DRVOPROMET” i (..) **% vlasničkih udjela privrednog subjekta „DP ILMA” Bihać.

Privredni subjekt „DP ILMA” Bihać nije poslovno aktivan (nije je ostvario prihode od obavljanja djelatnosti) u 2012. godini.

2. Obaveza prijave koncentracije

U skladu sa članom 14. stav (1) Zakona o konkurenciji, obaveza prijave koncentracije postoji kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je predhodila koncentraciji i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je predhodila koncentraciji, ili ako je njihov zajednički udio na relevantnom tržištu veći od 40,0%.

Ukupni ostvareni godišnji prihodi privrednih subjekata učesnika (s povezanim društvima) predmetne koncentracije na dan 31. decembra 2012. godine su:

Tabela 1.

Ukupni prihod (KM)	„SKUTER”	„DRVOPROMET”	Povezana društva „DRVOPROMET”
Bosna i Hercegovina	(..) **	(..) ***	(..) ***
Svijet	-	-	-

Izvor: podaci iz Prijave; *Ukupan godišnji prihod privrednog subjekta „DRVOPROMET” (s povezanim društvima) iznosi (..) **KM

Konkurencijsko vijeće pri izračunavanju ukupnog godišnjeg prihoda privrednog subjekta „DRVOPROMET“ (u skladu sa Obavještenjem Evropske komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata) uzelo u obzir i prihode povezanih društava – privrednog subjekta „DOLCHE“ Sarajevo u iznosu (..) **KM i privrednog subjekta „INTER HAK“ u iznosu (..) **KM (ukupno (..) **KM).

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza), u smislu člana 9. točka h) Odluke o načinu podnošenja prijave i kriterija za ocjenu koncentracija privrednih subjekata.

Članom 2. tačka b) Odluke o načinu podnošenja prijave i kriterijima za ocjenu koncentracija privrednih subjekata je propisano da su namjeravanu koncentraciju iz člana 12. Zakona o konkurenciji, obavezni prijaviti ako su učesnici koncentracije (privredni subjekti) s sjedištem i prebivalištem u Bosni i Hercegovini i ukoliko ispunjavaju uslove iz člana 14. stav (1) tačka b) Zakona o konkurenciji.

Na osnovu navedenih podataka o ukupnom godišnjem prihodu (Tabela 1.), u smislu člana 14. stav (1) točka b) Zakona o konkurenciji i člana 2. Odluke o načinu podnošenja prijave i kriterija za ocjenu koncentracija privrednog subjekata, utvrđeno je da su učesnici koncentracije obavezni podnijeti Prijavu.

3. Pravni okvir ocjene koncentracije

Konkurencijsko vijeće u provedbi postupka ocjene dopuštenosti predmetne koncentracije je primjenilo odredbe Zakona o konkurenciji, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona o konkurenciji, koristilo sudsku praksu Evropskog suda i odluke Evropske komisije, kao i kriterije i standarde iz Obavještenja Evropske komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

4. Pravni osnov i oblik koncentracije

Podnosilac prijave, kao pravni osnov predmetne koncentracije je dostavio Ugovor o pristupanju novog člana društva privrednom subjektu „DRVOPROMET“ i povećanju osnovnog kapitala (u daljem tekstu: Ugovor), zaključen dana 28. juna 2013. godine u Sarajevu između privrednog subjekta „SKUTER“ (kojeg zastupa Sanela Sulja, direktorica) i privrednog subjekta „DRVOPROMET“ (kojeg zastupa Fehim Baždarević, direktor)

Na osnovu odredbi predmetnog Ugovora privredni subjekt „SKUTER“ namjerava steći većininski vlasnički udjel u privrednom subjektu „DRVOPROMET“, putem unosa u osnovni kapital privrednog subjekta „DRVOPROMET“ iznosa od (..) ** KM, od čega (..) **KM u stvarima prema procjeni vještaka i (..) **KM u novcu. Prema predmetnom Ugovoru privredni subjekt „SKUTER“ u roku od dvije godine od dana pristupanja novog člana, će uplatiti privrednom subjektu „DRVOPROMET“ iznos od (..) **KM, koji će se u skladu sa zakonom koristiti za pokriće gubitaka i drugih nepredviđenih troškova poslovanja u privrednom subjektu „DRVOPROMET“.

Nakon provođenja predmetne koncentracije iznos osnovnog kapitala i vlasnička struktura u privrednom subjektu „DRVOPROMET“ se mijenja i privredni subjekt „SKUTER“ će imati (..)***% vlasničkih udjela (ili (..)***KM u osnovnom kapitalu), a fizičko lice Jakup Mešović će imati (..)***% vlasničkih udjela (ili (..)***KM u osnovnom kapitalu).

Pravni oblik predmetne koncentracije, u smislu člana 12. stav (1) tačka b) pod 1) Zakona o konkurenciji, je sticanje kontrole ili prevladavajućeg uticaja jednog privrednog subjekta („SKUTER“) kupovinom većine dionica ili udjela u osnovnom kapitalu drugog privrednog subjekta („DRVOPROMET“).

5. Relevantno tržište koncentracije

Relevantno tržište koncentracije, u smislu člana 3. Zakona o konkurenciji, te čl. 4. i 5. Odluke o utvrđivanju relevantnom tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Na osnovu analize registrovanih djelatnosti i strukture ostvarenog ukupnog prihoda utvrđeno je da učesnici koncentracije djeluju na različitim tržištima, odnosno da privredni subjekt „SKUTER“ najveći dio svojih prihoda ostvaruje na tržištu trgovine na veliko prehrambenim proizvodima i robama široke potrošnje, dok privredni subjekt „DRVOPROMET“ najveći dio prihoda u 2012. godine je ostvario na tržištu upravljanja i iznajmljivanja nekretnina. Konkurencijsko vijeće je na osnovu analize ukupnog prihoda privrednog subjekta „DRVOPROMET“ i povezanih društava, utvrdilo da u strukturi prihoda do (..)***% ukupnog prihoda čine finansijski prihodi, a samo (..)***% poslovni prihodi.

Na osnovu navedenog relevantno tržište proizvoda i/ili usluga u konkretnom slučaju je tržište pružanju usluga upravljanja i izdavanja nekretnina (poslovne nekretnine, poslovni prostori).

Budući da privredni subjekt „DRVOPROMET“ djeluju na teritoriju Federacije Bosne i Hercegovine, relevantno tržište u geografskom smislu smatrat će se teritorij Federacije Bosne i Hercegovine.

Slijedom navedenog, relevantno tržište predmetnoge koncentracije je tržište pružanje usluga upravljanja i izdavanja nekretnina na teritoriju Federacije Bosne i Hercegovine.

Na osnovu procjena Podnosioca prijave tržište nekretnina u Federaciji Bosne i Hercegovine karakteriše velika ponuda u odnosu na potražnju istih, a da je udio učesnika koncentracije na relevantnom tržištu do (..)***%.

6. Ocjena koncentracije

Konkurencijsko vijeće analizom relevantnih podataka, u smislu člana 17. Zakona o konkurenciji, je ocijenilo da provedbom predmetne koncentracije neće doći do povećanja tržišnog udjela na relevantnom tržištu budući da učesnici koncentracije (privredni subjekt „SKUTER“) ne djeluju na tom tržištu.

Konkurencijsko vijeće prilikom donošenja konačne odluke je uzelo obzir i namjeru privrednog subjekta „SKUTER“ da uloži u imovinu privrednog subjekta „DRVOPROMET“, te aktiviranje dodatnih potencijala te imovine, kroz zaključene ugovore o najmu sa raznim privrednim subjektima.

Buduće djelatnosti privrednog subjekta „SKUTER“ su zadržavanje isključivo djelatnosti izdavanja poslovnih prostora, pripajanje povezanih privrednih subjekta (kćeri majci „DRVOPROMET“), radi smanjenja troškova poslovanja.

Slijedom navedenog Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona o konkurenciji.

7. Novčana kazna

Konkurencijsko vijeće, u smislu člana 49. stav (1) tačka b) Zakona, izriče novčanu kaznu do 1,0% od ukupnog prihoda u prethodnoj godini poslovanja radi neprijavljivanja koncentracije, u smislu člana 16. stav (1) Zakona o konkurenciji.

Konkurencijsko vijeće je utvrdilo da privredni subjekt „SKUTER“ nije prijavio koncentraciju u zakonom propisanom roku, u smislu člana 16. stav (1) Zakona o konkurenciji, odnosno da je Ugovor o pristupanju, zaključen dana 28. juna 2013. godine, te da je shodno tome zakonski rok od 15 dana za prijavu koncentracije istekao dana 13. jula 2013. godine, a Podnosilac prijave privredni subjekt „SKUTER“ je istu prijavio Konkurencijskom vijeću dana 31. jula 2013. godine (sa 18 dana zakašnjenja).

Konkurencijsko vijeće je pri određivanju visine novčane kazne uzelo u obzir obzir i trajanje povrede, u smislu člana 52. Zakona o konkurenciji, a i činjenicu da je ista podnesena saomoinicijativno ali sa zakašnjenjem.

Na osnovu navedenog, Konkurencijsko vijeće je izreklo novčanu kaznu od 19.000,00 KM, što iznosi (..)**% prihoda privrednog subjekta „SKUTER“ ostvarenog u godini koja je prethodila koncentraciji (ostvareni prihod iz 2012. godine).

Konkurencijsko vijeće cijeni da izricanje novčane kazne treba imati preventivan učinak ne samo kako bi sankcionisao privredni subjekt „SKUTER“ nego i kako bi odvratilo druge privredne subjekte od djelovanja ili nastavka ponašanja koje je protivno Zakonu o konkurenciji.

8. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

Gordana Živković